

皇宋通鑑長編紀事本末

皇宋通鑑長編紀事本末卷第二十八

真宗皇帝

訓導太子

大中祥符三年四月癸亥後宮李氏生子知開封府周起方奏事上謂起曰知朕有喜乎起曰臣不知也上曰朕始生子即入禁中懷金錢出採以賜起李氏杭州人初入宮侍劉修儀莊重寡言上命爲司寢既有娠從上臨砌臺至釵墜上惡之上私卜釵完當主男子左右取釵以進昧不毀上喜甚已而果生子後封李氏爲崇陽縣君復生一女不育

李氏所生是爲仁宗

七年二月車駕祀太清宮還戊午次襄邑縣皇子來朝
三月丁未以皇子受益爲左衛上將軍封慶國公月給俸
錢二百千初宰相屢言皇子未議封建中外繫望今朝修
禮成願特降制命上雖從之而謙讓未加王爵舊制國公
食邑三千戶今止千戶有司之誤也皇子即後宮李氏所
生於是五年矣劉皇后以爲己子使楊婉儀保視之故仁
宗嘗呼后爲大娘娘婉儀爲小娘娘 八年十二月戊寅
皇子加冠禮辛卯以皇子慶國公受益爲忠正軍節度使
兼侍中封壽春郡王舊制本州當選牙校僧道至闕稱賀
詔罷之止令官吏附驛上賀狀 九年正月壬申以兵部
郎中張士遜爲戶部郎中直昭文館左司諫直史館崔遵

度爲戶部員外郎直史館如故並充壽春郡王友賜紫衣
犀帶恩錢又賜遵度金紫作詩寵之時王爵受經命中書
擇書德方正有學術者爲府官士遜時爲河北轉運使以
其平雅和謹歷外仕著治聲滯於榮利遵度同修起居注
十年立殿墀上常退匿楹間慮上見之縉紳推其長者即
召士遜赴闕而並命焉初宰相將用士遜等爲翊善記室
上曰翊善記室府屬也王皆受拜故以王友命之令王每
見答拜示賓禮之意士遜嘗謁王旦稱王學書有法旦曰
公爲王友職止於是耶士遜媿謝

歐陽修以此事爲責諭德按二年八月始建東宮崔遵
度爲諭德時王旦已死矣今止從遺事

二月甲午詔築堂於元符觀南爲王子就學之所賜名曰資善上作記刻石堂中命內押班周懷政爲都監入內供奉官楊懷玉爲壽春郡王伴讀仍面戒不得於堂中戲笑及陳玩弄之具庶事由禮使王親近僚友而申以後宮崇陽縣君李氏爲才人 五月戊午詔獎壽春郡王友張士遜等以王讀孝經徹章故也王初爲詩即自成章有人心懷禮義之句上喜以語輔臣 天禧元年二月戊寅壽春郡王受益兼中書令 七月宰臣王旦以病堅求罷相 甲寅召對滋福殿因命皇子出拜旦言皇子盛德必任陛下事

旦遺行錄及神道碑並稱皇太子按此時未建東宮今

稱皇子曾妻亦稱皇太子又以爲祥符九年事尤誤也
十月辛卯壽春郡王請諭語終上作詩賜王及王友張士
遜等 二年正月辛亥幸元符觀資善堂宴從臣及壽春
郡王府官屬出御製賜壽春郡王卹黎民等歌元符觀資
善堂等記頌并出壽春郡王詩什筆翰示軍相二月丁卯
以昇州爲江寧府置軍曰建康命壽春郡王爲節度使加
太保封昇王先是軍臣因對屢言王性聰悟好學樂善孝
謹彌篤迥然老成而未正封爵中外人情咸有所屬望願
乞依臣等奏早議崇建上譙讓久之洎固請再三乃許焉
戊辰以壽春郡王友張士遜直學士並爲昇王府諮議參
軍左正言直史館晏殊爲記室參軍 八月丁酉羣臣上

表請立皇太子不允表三上許之先是知梧州衛尉寺丞
陳執中上復古要道三篇上異而召之上時已屬疾春秋
高大臣莫敢言建儲者執中既至進演要三篇以垂定天
下根本爲說翌日上以他疏示輔臣皆贊曰善上指其袖
中曰更有善於此者出之即演要也因召對便殿旁問久
之尋擢爲右正言執中怒之子也

資錄載執中得見於崇政殿其日甲寅在立太子後凡
十日據本傳則執中既見踰月乃立太子不知孰是以
事理推之本傳當得其實蓋羣臣因執中言始有建儲
議見於崇政恐非初對也今從本傳

甲辰立昇王受益爲皇太子改名禎大赦天下惟十惡劫

殺謀殺故殺闕殺盜官物造符印官典犯賊論如律宗室
並加恩文武常參官子爲父後見任官者賜勲一轉 乙
巳以翰林學士晁迥爲冊立皇太子禮儀使命秘書監楊
億撰皇太子冊文知制誥盛度書冊陳堯咨書寶 庚戌
以右諫議大夫知開封府柴黃目爲給事中兼太子左庶
子昇王府諮議參軍吏部郎中直昭文館張士遜爲右諫
議大夫兼右庶子禮部郎中直史館崔遵度爲吏部郎中
直史館兼左諭德記室參軍左正言直史館晏殊兼舍人
賜金紫右正言魯宗道爲戶部員外郎兼右諭德賜緋魚
玉清昭應宮官資善堂都監左藏庫使長州刺史入內押
班周懷政爲左驍驍使入內副都知兼管勾左右春坊事

以參知政事李迪兼太子賓客上初欲授迪太子太傅迪
辭以太宗時未嘗立保傅乃止兼賓客而詔皇太子權賓
客如師傅詔中書門下五品尚書省御史臺四品諸司三
品見皇太子並答拜自餘受拜 癸丑上作元良歲賜皇
太子又作詩分賜賓客而下 丁巳詔皇太子月給錢二
十貫禮儀院言至道中敕百官於皇太子稱名官寮稱臣
續準初依皇太子所請官寮止稱名詔如至道之制 九
月甲子右諫議大夫兼太子右庶子張士遜等言臣等日
詣資善堂參見皇太子猶令升階列拜口口口受皇令坐
受參見不許乙丑蔡州團練使德雅等請皇太子受拜不
許丁卯御天安殿冊皇太子 壬申皇太子謁玉清昭應

宮景靈宮 癸酉謁太廟 十月壬寅召知益州樞密直

學士右諫議大夫王曙為給事中兼太子賓客職如故

三年二月丁未出皇太子所書御詩賜宰相上作學書歌

賜太子丙辰又作勸學吟賜之 四月詔太子右庶子張

士遜已下每遇皇太子侍車行幸許依內殿起居陪從

九月丙子賜皇太子元良述六藝歲承華要略十卷授時

要略十二卷又以國史兩朝實錄太宗文集并御覽羣書

賜皇太子遂宴從官 辛巳給事中參知政事兼太子賓

客李迪言昨日東宮賜宴臣獲陪侍皇太子舉動由禮言

不輕發視伶官雜戲未嘗妄笑左右瞻仰無不恭肅上曰

常日居內庭亦未嘗妄言也冠準曰皇太子天賦仁德嚴

重溫裕復稟聖訓勤道力學實邦家之慶也 十一月辛酉問門太常禮院上大禮稱慶合班圖呈太子序位在宰相上太子懇讓上以諭輔臣冠準等陳儲副之重不可謙抑望遵儀制再請乃許 戊辰翰林學士錢惟演言正陽門習儀呈太子立於御坐之西左右以天氣暄煦捧繖障日太子不許復遞以扇太子又以手却之文武在列無不瞻觀有司設馬臺於太廟內太子乘馬至門命移出蕭屏外下馬步進及南郊壇前驅者解青繩將入外壇太子亟止之將及外壇即下馬伏以太子英睿之德既自天演謀恭之志實遵聖訓雖漢儲被詔不絕馳道王官正服以見侍臣比茲巨美不可同日而語矣昔桓榮以儲官專精博

學端之國家福祐書於史冊今太子持謙東體發自主誠
士民傳說充溢都邑代望宣付史館以彰盛德詔獎皇太
子仍懷茲雅演 甲戌皇太子言於玉清昭應宮建殿置
經藏以資聖算功畢有詔褒答 四年六月上不豫起準
欽請太子監國事泄丁謂等力譖之準罷政事為太子太
傅兼國公 七月癸亥上對參知政事李迪等於游福殿
上初欲相迪迪固辭於是又以屬迪有頃皇太子出拜上
前曰蒙恩用賓客為相敢以謝上顧謂迪曰尚復何辭耶
丙寅以禮部侍郎參知政事李迪為吏部侍郎兼太子
少傅平章事 甲戌同懷政等謀奉帝為太上皇傳位太
子而廢皇后事泄懷政伏誅 事見同懷政既誅有欲并
政誅發立

青太子者上意惑之事也從容奏曰陛下有幾子乃爲此計上大寤由是來宮得不動搖地之力居多

此據記聞

八月辛卯以太常丞直龍圖閣馮元爲左正言兼太子右諭德初太子爲壽春郡王王旦薦元宜講經資善堂帝以元少更命崔遵度遵度卒乃命元代之九月壬子以王清昭應宮副使尚書右丞林特爲工部尚書兼太子賓客副使如故十月己卯資善堂上梁皇太子會官僚觀之太子太保王欽若承詔言與馬士辰以太子太保王欽若爲資政殿大學士仍令日赴資善堂侍皇太子講讀丙午召皇太子宗室近臣赴玉宸殿翠芳園觀稻遂賜宴

十一月乙丑上對輔臣於承明殿上曰朕過來寢膳頗漸
康復然軍國之事未免勞心今太子年德漸成皇后素賢
明臨事平允深可付託欲令太子蒞政以外皇后居中詳
處卿等可議之輔臣進曰臣等所奉德音國家之大慶
況皇太子升儲以來日隆德望皇后輔佐歲久中外遵教
海內瞻企人無間言然太子既監總朝政望令中書樞密
大臣各兼東宮職任庶日奉謀議便於翼贊上許之於是
退議其等例傳旨命學士章利詔可自冠準貶斥丁謂浸
浸擅權至除吏不以聞李迪憤懣嘗慨然語同列曰迪起
布衣十餘年至軍相有以報國死且不限安能附權臣爲
自安計乎及議兼職時迪已帶少傅欲得中書侍郎尚書

謂執不可遂革熟狀謂加門下侍郎兼少師迪加中書侍郎兼左丞曹利用加檢校太師馮拯加檢校太尉並兼少保任中正加右丞錢惟演加兵部侍郎王曾加戶部侍郎並兼賓客王清昭應宮副使工部尚書林特樞密直學士右諫議大夫張士遜先兼太子賓客並改詹事翰林學士戶部員外郎晏殊先兼舍人改左庶子餘官悉如故丙寅謂迪等入對於長春殿迪與謂忿爭上前上怒各降秩一級罷相謂知河南府迪知鄆州制書猶未出錢惟演恐謂出則已失援白上欲留之并請留迪戊辰命謂以戶部尚書迪以戶部侍郎歸班是日惟演及中正曹等並如初議遷秩頭東宮官而太子議政詔書及樞利用等制皆

格 己巳朔入對請留詔送謂赴中書依舊視事仍詔迪
出知鄆州放朝辭即時赴任 錄見丁謂事迹 庚午詔自
今中書樞密院諸司該取旨公事仍舊進呈外其常程事
務委是太子與宰臣樞密使已下就省善堂會議施行訖
泰皇太子上表陳讓優詔不允初議欲令太子總軍國事
丁謂以爲不可曰即日上體平朝廷何以處此李迪曰太
子監國非古制耶力爭不已迪既罷出故有是詔
迪本傳以謂此制詔在迪未罷相時蓋誤也

辛未史部尚書平章事丁謂加左僕射門下侍郎兼太子
少師樞密院使同平章事馮拯爲右丞僕射中書侍郎兼
少傅平章事樞密使同平章事曹利用兼少保 中書樞

憲院上言自今百官五日於長春殿起居其餘隻日親朝
詣御承明殿其或皆不坐則令閤門宣傳放朝從之 壬
申皇太子見宰相樞密使於資善堂諸司職掌以次參謁
甲戌翰林學士太子左庶子晏殊禮賓副使太子宮祇
候楊懷玉上新編賜東宮御製五十卷時輔臣論次御集
乞降賜皇儲文字遂命懷玉編錄懷玉請令殊同纂集至
是奏上 十二月乙酉賜涇王元儼銀五千兩宗室防禦
使各十兩團練使八百兩餘各有差又賜太子少師丁謂
少傅馮拯少保曹利用各四千兩賓客任中正錢惟演王
曾太保王欽若唐事林持三千兩左庶子晏殊臺事張士
遜各二千兩翰林魯宗道馮元各千兩自餘宮臣常從各

有差又賜殿前副都指揮使尉昭敏錢二百萬步軍副都
指揮使馮守信三百五十萬殿前都虞候夏守恩馬軍都
虞候劉美各三百萬四廂都指揮使諸班諸軍都虞候而
下視月俸給之以皇太子親政行慶也詔中書樞密院自
今內臣傳旨處分公事並須奏覆令中書提點五方堂後
宮樞密院承旨而下自今日十三日以後從宰臣樞密使
赴資善堂依候中書樞密院上言請自今遇集日承明殿
不望朝則入內都知傳宣中書樞密院詣太子資善堂議
事應時政及後殿軍頭司公事素有定制者施行訖奏條
達改升降者送中書樞密院進呈取旨如無公事則宰臣
樞密使已下遇參辭謝皇太子許三二人以上爲一班詣

堂延見自餘官僚並止留榜子詔從之自是輔臣每會議
皇太子東旁南面而立中書樞密院以本司事遞進承令
旨時政之外京朝奉職州縣官使臣禁卒咸引對馬事畢
接几輔臣如常禮 庚寅詔中書樞密院每赴資善堂議
事止令張景宗一員侍皇太子餘悉屏之 丁酉中書樞
密院言每至資善堂請皇太子無答拜詔不許 辛丑皇
太子會師傅宮官於資善堂賜教坊樂 閏十二月上久
不豫前二日因餌藥泄瀉前後殿罷奏事 乙亥力疾御
承明殿召輔臣語其狀因諭以盡心輔導儲貳之意出手
書一幅付之其略曰朕近覺微恙發動四體未得痊和蓋
念太祖太宗創業艱難不敢懈怠憂勞積久成此疾疹今

皇太子雖至性天賦而年未及壯須委文武大臣盡忠翊
贊自今要切時政可召入內都知會議聞奏內庭有皇后
輔佐運行無無憂也丁謂等進曰陛下微與康和即當平
愈况允儲已親庶政克固海內之心宮闈內助事皆平允
特寬聖慮勉近藥醫以寧福祉自是聖體漸平凡旬浹乃
復常焉時太子雖聽事資善堂然事皆決於后中外以爲
憂錢惟演后戚也王曾說惟演曰太子幼非中宮不能立
中宮非倚皇儲之重則人心亦不附后厚於太子則太子
安太子安乃所以安劉氏也惟演以爲然因以白后兩宮
由是益親人遂無間 五年三月庚子宰臣丁謂請自今
皇太子師傅十日一赴資善堂賓客已下隻日更互陪侍

講學上可之 四月丁未以內殿崇班雷允恭爲皇太子
宮都監同管勾資善堂左右春坊司事 戊午皇太子生
辰宴宮僚輔臣於資善堂 五月癸未詔皇太子讀春秋
輔臣奏曰臣等時入資善堂陪侍講席太子天姿英邁好
學不倦親寫大小字示臣等天然有筆法上喜曰賴卿等
輔導也輔臣皆再拜 十月壬子輔臣以上違豫浸久上
表引漢宣帝唐高宗故事請五日一御便殿及朔望坐朝
春秋大宴及賜羣臣會並上就錫慶院如有軍國大事即
非時召中書樞密院參決其隻日資善堂議事及雙日中
書樞密院早入並如舊又請自今慶節上壽皇太子押文
武班悉從之 十二月癸亥上作歌賜皇太子獎其書翰

日進也 乾興元年正月癸未始命皇太子朝拜啟聖院
太宗神御殿師傳宮僚悉從 二月中辰上對宰相於寢
殿之東偏上不豫浸劇宰相進曰聖體未和過於憂軫無
乃以皇太子春秋尚未富否上頷之數四宰相又曰皇太
子聰明睿智天命已定臣等竭力奉之況皇后裁制於內
萬務平允四方向化敢有異議乃是謀危宗社臣等罪當
萬死上甚悅自上不豫以來太子出則監涖軍國入則省
視醫藥皇后悉傾宮閤中粧具財用遣使詣道宮佛寺天
下名山勝境爲上祈福者不勝紀上每言皇后所行造次
不違規矩朕無憂也太子勤思必躬親調護暫去左右則
繼遣詢問至於乳保小臣皆輟勤慙歲久者旦夕教其恭

恪而太子純孝之德亦由天賦非常情所及焉

蔡夔州直筆載上疾大漸大臣扣問問候乃以指點胃
又展五指再出三指以示丁謂等時皇弟八燕王獨存
仁宗先已建儲方年十三觀上意蓋有所屬羣獻隔帷
見之候大臣退令近侍追之傳諭適來官家展五指又
出三指只說三五日來疾勢稍退別無他意謂等諾之
此事或政當此日然疑不敢著邵氏聞見錄云真宗大
漸之夕李文定與軍執以祈禳宿內殿時仁宗幼冲八
大王无儼者有威名以問疾留禁中累日不肯出軍執
患之無以為計遇翰林司以金盃貯熱水曰王所須也
文定取案上墨筆攪水中水盡黑令持去王見之大驚

意其有毒即上馬去文定臨事大抵皆類此按當此時
文定貶斥久矣或指他相則不可知又按仁宗實錄真
宗崩元儼以疾在告特遣中使告諭王扶疾至內庭號
泣見太后既奏慰遂廬於宮門之側如此則真宗未崩
以前元儼固不留宿禁中也恐邵氏誤爾今不取

戊午上崩於延慶殿仁宗即皇帝位遺詔尊皇后爲皇太
后淑妃楊氏爲皇太妃軍國事兼權取太后處分百官見
上於延慶殿之東楹

皇宋通鑑長編紀事本末卷第二十八

皇家通鑑長編紀事本末卷第二十九

仁宗皇帝

講筵

乾興元年二月戊午仁宗即位皇太后垂簾聽政十一月辛巳始御崇政殿西閣召翰林侍講學士孫奭龍圖閣直學士兼侍講馮元講論語侍講學士李維岳與焉初詔雙日御經筵自是雖雙日亦召侍臣講讀王曾以上新即位宜近師儒故令奭等入侍上在經筵或左右瞻瞻或足敲踏床則奭拱立不講每講體貌必莊上亦爲竦然改聽

史多載此事於天聖末今移見此帝意或不在書必初

年其後聖德日新決不然矣

十二月甲辰詔輔臣崇政殿西廡觀侍講學士孫奭講論語既而上親書唐賢詩以分賜焉自是每召輔臣至經筵多以御書賜之 天聖元年四月上初即位太常丞直集賢院判吏部尚書丁度上書論六事一增口講官 九月戊寅召輔臣於崇政殿西廡觀焉元講論語仍賜御飛白書 二年二月乙亥召輔臣於崇政殿西廡觀講孝經皇太后諭宰臣曰比擇儒臣侍上講讀深有問益宰臣因言上卽中焉宋元通經有行義可使入奉經筵辛丑命宋元直龍圖閣 六月己未賜馬宋元三品服以講孝經徹也 八月己卯上幸國子監謁先聖文宣王召從臣升講

堂令直講毛田郎中馬適符講論語賜適符三品服 三年三月己酉召輔臣於崇政殿西廡觀孫奭講曲禮仍賜御書古詩各一章 十月壬申判國子監翰林侍讀學士孫奭龍圖閣直學士馮元等奏近召河南縣主簿郭禎充直講勅令發遣歸任所閣直講別舉官以聞臣等知禎文學優長履行修謹欲望且令在監分經講誦詔以禎爲國學說書仍令自今於參選人內保奏不得抽差見在任官 四年閏五月甲子詔輔臣於崇政殿西廡觀侍讀學士宋綬等讀唐書上曰朕覽舊史每見功臣罕能保始終者若裴寂劉文静俱佐命元功不免誅辱王曾對曰寂等之禍良由功成而不知退也綬兼勾當三班院因請解所兼

職星太后命擇前代文字可資孝養補政治者以備帝覽
遂錄進唐謝脁惟星誠德賦又錄孝經論語要言及唐太
宗所撰帝範二卷明皇朝臣僚所獻聖典所獻三卷君臣
正理論三卷上之 七月上嘗謂輔臣曰比大暑罷講讀
適已召孫奭等說書卿等公事退可暫至經筵王嘗曰陛
下萬幾之暇留意經術雖炎暑不輟有以見聖學之高明
也九月乙卯詔曰講學久廢士不知經筵上之教導不至
耶其令孫奭馮元舉京朝官通經術者三五人以聞 庚
申詔禮部貢院舉人有能通三經者量試講說特以名聞
當議甄擢 十月先是孫奭馮元共薦大理寺丞楊安國
爲國子監直講於是并召安國父奉禮郎兗州學講書光

輔入見上令說尚書光輔曰堯舜之事遠而末易行臣願講無逸一篇時年七十餘矣而論說明暢上欲留爲學官光輔固辭乙卯以光輔爲國子監丞遣還 五年九月癸卯召輔臣至崇政殿西廡觀孫奭講書各賜紙成御飛白字圖 十月庚辰以講禮記傲燕近臣於崇政殿仍詔兩制及館閣官賦詩以進 六年三月壬寅召輔臣崇政殿西廡觀侍講孫奭講尚書 九年三月己巳翰林侍讀學士孫奭試太常博士國子監直講賈昌朝秘書丞諸王府侍講趙希言殿中丞國子監直講郭鎮左贊善大夫國子監直講楊安國講說於中書 七月癸酉以翰林侍講學士兼龍圖閣學士兵部侍郎孫奭爲工部尚書知兗州帝

每御經筵設象架及書架外向以便侍臣講讀與年高視
昏或陰晦即爲徙御坐於閣外與講至前世亂君亡國必
反復規誦帝冰然聽之嘗畫無逸圖以進帝施於講讀間
帝與太后見與未嘗不加禮三請致仕召對承明殿數諭
之與以年踰七十固請泣下帝亦惻然詔與馮元講老子
三章各賜帛二百疋以得請求近郡故優賜焉仍詔頒宴
而後行 明道元年正月甲辰召輔臣於崇政殿西廡觀
講書 二年三月太后劉氏崩

景祐元年三月丁亥始置崇政殿說書命都官員外郎賈
昌朝屯田員外郎趙希言太常博士崇政殿檢討王宗道
國子博士楊安國以二人入侍講說初孫奭出知兗州

上問典雄可代講說者與薦呂朝等因命中書試說書至
是始特置此職以處之後三歲乃逮大章間侍講 五月
辛未御崇政西廡召輔臣講書 二年正月癸丑置通英
延義二間焉尚書無遺篇於屏通英在迎陽門之北東向
延義在崇政殿之西北向是日御延義間召輔臣觀盛度
進講唐書賈昌朝講春秋既而西宴崇政殿 三年正月
乙巳賈昌朝言臣幸得侍經禁中陛下每以清閒之燕嚮
學稽古微言要道取高前聖事在聖日杳隔嚴宸時政記
史館日歷及起居注莫得纂集臣自景祐元年春迄二年
冬凡書進侍臣出處升黜封章進對燕會賜與皆用存記
列爲二卷乞送史館詔以通英延義二間記注爲名命章

得蒙等接續修纂 九月辛卯召輔臣至通英閣觀講書
四年三月甲戌朔以崇政殿說書司封員外郎直集賢
院賈昌朝祠部員外郎崇文院檢討王宗道屯田員外郎
國子監直講趙希言主客員外郎國子監直講楊安國並
兼大章閣侍講預內殿起居比直龍圖閣而班直閣本官
之上大章閣置侍講自此始 九月丁卯御通英閣詣唐
書因詔唐書列傳止取事義切於規戒者讀之 十月甲
戌御通英閣讀正說謹罰篇述後漢光武罷梁統從重之
奏帝曰深文峻法誠非善政宋綬對曰王者峻法則易寬
刑則難夫以人主得專生殺一言之怒則如雷如霆是峻
易而寬難也 丙戌通英閣讀正說養民篇帝曰尸子言

君如杆民如水何也丁度對曰水隨器之方圓若民從君
之好惡是以人君謹所好焉 甲午通英問講春秋上曰
春秋自昭公之後魯道陵遲家陪用政記載雖悉而與要
則寡宜刪去蔓辭止取羣臣政教事節講之因謂宋綬等
曰春秋經旨在於獎王室尊君道邱明作傳文義甚博然
其間錄說吳則不若公羊穀梁二傳之簡綬等對曰三傳
得失誠如聖言臣等自今凡邱明所記事稍近誣及陪臣
僭亂無足勸戒者皆略而不講 寶元二年十月丙寅上
御通英問觀左氏春秋及讀正說終上曰春秋所述前世
治亂之事迹敢不監戒正說先帝刻言敢不遵奉丁度等
拜伏而言曰陛下德音若此誠天下之福也上復問度洪

乾酒誥二篇大義度悉以對因詔度講周易李淑讀三朝
寶訓丁度李仲容讀所編文規鑒事迹 辛巳曲晏近臣
於崇政殿以講左氏春秋激也 慶歷二年二月丁丑詔
權御史中丞賈昌朝侍講通英閣政事臺丞無在經筵者
上以昌朝長於講說特召之 四月戊戌以講周易徵召
講讀官及兩制宗室正刺史以上燕於崇政殿 四年三
月丙辰御迎陽門召輔臣觀畫因命大章閣侍講曾公亮
講毛詩王洙讀祖宗聖政錄翰林侍讀學士丁度讀前漢
書數刻乃罷自元昊反罷進講崇政殿說書趙師民上疏
陳十五事其八曰延講誦王者必延學古之書以備顧問
及於問宴先帝時得邢昺杜鎬孫奭馮元猶有正議聞於

上名節著於朝漢家宰相精通一經天下大事據之以決
大帝王治經與品庶異不固玩空文占古語也天下無事
右文之治於是在天下有事經武之圖於是出沉滯僻老
孤陋鄙生使之坐卿塾訓民士者非帝王經意也今方外
少有事臣等不復進見二年矣苟不足以發大問奉大對
雖屏棄之無足惜者以爲先王之遺籍古人之陳篇可以
講無事之朝不足贊有爲之世臣愚以爲過矣因獻勸講
箴至是復命講讀經史 三月丁亥帝謂輔臣曰朕每令
講讀官敷經義於前未嘗令有諱避近講詩國風多刺譏
亂世之事殊得以爲監戒章得象對曰陛下留意六經能
遠監前代興亡之迹此誠爲國治之要也 五年二月丙

中御邇英閣讀漢書元帝紀上語及成帝政理丁度因言
頃者臣下不知大體務相攻訐或發人陰私以圖自進賴
陛下明聖覺悟比來此風漸息上因言攻訐之弊曰凡此
皆謂小忠非大忠者也時范仲淹等忤遂成講詩起雞
鳴盡南山篇先是講官不欲講新臺帝謂公亮曰朕思爲
君君道善惡皆欲開說詩三百皆聖人刪定義存勸戒豈
當有避也乃命自今講經史無得輒遺庚戌御邇英閣
進讀三朝經武聖略出陣圖數本并陝西僧所獻兵器鐵
渾撥以示講官三月戊午邇英閣講詩匪風篇曰誰能
烹魚溉之金萬帝曰老子謂治大國若烹小鮮義與此同
否丁度對曰烹魚煩則碎治民煩則散非聖學深遠何以

見古人求治之意乎丁度侍經筵歲久上每以學士呼之而不名嘗問耆龜占應之事乃對卜筮非聖人所爲要之一技而已不以古之治亂爲監也 己卯適英閣講詩六月篇上曰此序自鹿鳴至菁菁者莪皆帝王常行之道或止當時事耶楊安國對曰昔幽王失道小雅盡廢四夷交侵中國道微先儒所以作此序爲萬世監也於是上再令講之 甲申適英閣讀漢書高祖封韓信爲齊王事上曰高祖之從誅善用人不疑如此丁度對曰高祖聰明大度故臣下得盡其誠不然何以基帝業也 四月壬辰適英閣講詩小雅篇曰如彼衆流無倫胥以敗帝謂趙師民曰以水諭政其有指哉對曰水性順故通通則清逆故壅壅

則敗喻用賢則王政通而世清用邪則王澤壅而世濁周
幽王失道絀正用邪雖有善人不能爲治亦將相率以淪
於汙敗也 丁未講詩至卷伯篇注有魯男子適處之事
帝曰嫌疑之際古人所謹此不著魯人姓氏豈聖人特以
設教耶 十一月癸未通英閣講三朝經武聖略 甲午
通英殿講詩角弓篇上曰幽王不能親九族以至於亡楊
安國對曰冬至日陛下親燕宗室人人撫籍豈不廣骨肉
之愛耶上又曰書載九族既睦平章百姓此帝克之盛德
也朕甚慕之 乙未通英閣講詩都人士篇上曰古人冠
服必稱其行今冠服或過之行未必如古人也又講經武
聖至真宗朝李繼和上言國初李漢超在關南以私錢

貿易佐公用或繩奏之太祖反令盡除所過稅上曰任人如此孰不盡力哉 十二月癸巳以講詩徹宴近臣宗室及講讀官於崇政殿 七年二月己丑詔御史中丞高若納入侍經筵 三月己亥賜天章閣待制兼侍講曾公亮三品服故事待制入謝未始賜服至是上御過英閣面賜之仍宣諭曰朕即講席賜卿蓋所以尊寵儒臣也 四月己巳講筵諸貴誼諱論三公三少皆天下端士與太子居處出入故少成若夫性習慣如自然帝曰朕昔在東宮崔遵度張士遜馮元爲師友此三人皆老成至於遵度尤良師也翰林侍讀學士右諫議大夫張錫嘗講書禁中上歎其博學飛白書博學二字賜之 皇祐元年十二月乙丑

御延和殿召虞部員外盧士宗講周易泰卦面授士宗元
章問侍講賜二品服士宗揚安國所薦也是日詔賈昌朝
赴講這脩顧問不講書帝以昌朝前宰相又舊講臣特命
之壬寅觀文殿大學士右僕射判都省賈昌朝復爲山
南東道節度使同平章事判鄭州二年三月過英閣講
易師卦字有與御名同音者前席謂王洙曰此字何訓對
曰訓正帝曰不煩回避恐妨義理洙曰不敢臣子於君父
之名臨文暫暗不無悚懼須至回避帝曰但正言之十
月丁酉過英閣講易無妄上曰何云勿藥有喜揚安國對
曰凡疾之所起由有妄而來九五居尊得位爲無妄之主
天下本皆無妄而偶有疾非已所致疾當自損可勿藥有

喜也蓋若人主剛正自修身無虛妄則偶有災若堯湯水旱非已所招但順時修德勿須治理必欲除夫不煩勞天下是有喜也然堯遭洪水使鯀禹治之雖知災未可息且順民心繇功不成者災未息也禹能治水災欲盡也是亦勿樂有喜之義也今河水圯決歷五十年役天下兵民耗天下財用未嘗息大河亦未嘗復改道也而兵民頓弊何啻百千萬計地財委盡何啻億萬萬計恐民不堪命國力不繼以爲大河自古爲患當如堯舜務順民心順時修德其災自息亦勿樂有喜也 三年三月戊辰通英閣講易至山下有澤潁君子以愍愍室愍上曰人之情愍皆主於陰陽而節之在人楊安國對曰臣以爲人有六情喜怒哀

樂好惡天有六氣陰陽風雨晦明故人之生天命之謂性而命人之所秉以生也性人之所賦以分也言情則性之移也語欲則人之肆也故六情相感則喜生於風怒生於雨哀生於晦樂生於明好生於陽惡生於陰故聖人取損象以懲忿窒慾也上然之 四月庚子通英問講易鼎卦上問九四之家施之人事如何楊安國對曰鼎爲烹飪成新之器上承至尊下應初上承下施任重非據故足折而覆缺矣其猶任得其人雖重而可勝非其人必有顛覆之患上曰任人不可不謹也 丁未御通英問謂講官曰易旨精微朕每以疑難問卿等得無煩乎曾公亮對曰臣等幸承聖問懼不能對豈敢言煩上曰卿等宿儒博學多

所發明朕雖盛暑亦未嘗倦但恐卿等勞耳丁度復進曰
自古帝王臨御日久非內惑聲色則外窮兵黷武陛下即
位三十年孜孜不怠聖學雖堯舜之聰明不過是因頓首稱謝
八月庚寅詔天章閣侍講自今並依館閣臣僚例宣召
頒賜從知制誥兼侍講王洙請也 九月丁丑詔通英閣
講讀官當講讀者立侍教對餘皆賜坐於閣中天聖以前
講讀官皆坐侍自景祐末皆立侍至是帝屢面諭以經史
義旨周詳悉詢說卿等無乃煩倦否楊安國等進曰不敢
至是有詔遂爲永制翌日講讀並奏謝 十月丁酉新作
隆儒殿在通英閣後 四年九月前宰相賈昌朝初除母
喪召赴通英閣講乾卦帝曰將相侍講天下盛事昌朝稽

首謝尋命昌朝判許州將行詔講讀官錢於資善堂 五
年四月丁酉通英閣講書同命侍御僕從周匪正人帝曰
君臣之際必誠意相通而後治道成楊安國對曰陛下聰
明文思從諫罔拂如水之走下視羣臣如僚友自古盛王
未之有也帝曰臣下能進忠言朕何惜夏禹之拜 至和
元年八月壬子詔修起居注官入侍講筵賜坐机如宰相
儀戊午詔觀文殿大學士晏殊赴經筵賜坐机如宰相儀
戊午詔修起居注官入侍講賜坐於御坐西南 九月己
巳通英閣講書禮大荒大札薄征緩刑楊安國曰緩刑者
乃過誤之民耳當歲歉則赦之矧其窮也今求持兵仗劫
掠廩一切寬之恐不足以禁奸帝曰不然天下皆吾赤子

也一遇饑饉州縣不能存恤賊殍所迫遂至爲盜又捕而殺之不亦甚乎二年三月乙丑通英問講周禮視禋上謂講官盧士宗曰妖祥之興皆由人事君人者必在修德以承天意乎己卯通英問講周禮大壘王洙曰祠天地之器以質信爲本帝曰曹操不事質信而多詐忌何以事上帝乎洙曰天地之德非丘城之道至質之器何以動之張浚請後漢書應劭議刑按曰當漢獻帝亂世有司猶能守法今天下秦獄或違法出罪冒冤不伸水旱之災未必不由此也帝曰祖宗以來多用中典奏職者往往貸之宜欲刑罰之濫也十月壬子通英問講周禮祭祀割羊牡登其首王洙曰祭陽以其首首主陽祭陰以其血血主陰也

神明不測故但以類而求之帝曰然天道簡易非已誠其
能應乎又講左氏傳鄭人鑄刑書洙曰子產以鄭國之法
鑄之於鼎故使民知犯某罪有某罰也帝曰使民知法爲
亂可止不若不知而自化也嘉祐三年三月辛未朔翰
林學士歐陽脩兼侍讀學士脩言侍讀十人外議皆云經
筵無坐處矣臣既辱在翰林又充史館脩撰太常禮儀秘
閣秘書尚書禮部刊脩唐書兼職已多而經筵固不闕人
忽蒙除授蓋近年學士相承多兼此職朝廷以爲成例不
惜推恩外議則云學士俸薄特與添請給爾官以人輕一
至於此欲乞罷臣此命不使朝廷遴選之清職遂同例授
之冗員詔不許脩固辭不拜七年五月庚申能圓閣直

學士左司郎中兼侍講錢象先爲右諫議大夫知蔡州象
先善講說語約而義明上間有顧問必依經以對因諷諭
政事遂及時務有啓迪之益號知經術留侍經筵前後十
五年特被恩禮故事講官分日迭講象先已得請補外上
曰大夫行有日可獨徹所講秩於是同列罷講者十日五
月癸亥賜講讀官宴於資善堂以請後漢書儼也

轉對上三制附

建隆三年正月甲午詔自今每五日內殿起居百官以次
轉對並須指陳時政得失朝廷急務或刑獄冤濫百姓疾
苦咸來訪以聞仍須直書其事不在廣有牽引事關急切
者許非時詣閣上章不須候次對 淳化二年十一月丙

中詔自今內殿起居日復令常參官兩人次對閤門受其
章

新錄云漢乾祐三年給事中陶穀奏乞傳五日轉對
皇朝因之遂無轉對之事至是上勵精求治務廣言路始
復舊制按太祖新舊錄及本紀建隆三年二月甲午詔
自今每遇內殿起居百官以次轉對然則轉對舊制在
太祖時已復不知錢若水何所據乃云遂無也新錄亦
若水所修那得如此差繆意者太祖雖復舊制行之未
久仍廢至是乃復舉行若水考之不詳故耳建隆三年
八月丙戌朔御崇元殿文武百官入閤工部尚書竇儀
待制太常卿邊光範候對禮畢賜廊食明年夏四月壬

午朔工部侍郎文穎侍制給事中馬士元次對八月庚辰朔給事中劉載侍制諫議大夫崔頌次對其後遂不復書乾德四年夏四月丙申又書御殿入閣賜食如常儀但不見次對官姓名疑次對自此即停至淳化二年始復故令若水誤記也直云遂無轉對之事亦誣矣庚戌左諫議大夫史館修撰楊徽之次對上言方今文士雖多通經者少願精選五經博士增其員各專業以教胄于此風化之本咸平三年十一月壬午令常參官轉對如故事詔曰問者深詔朝端大開言路而箝結相尚啟沃無聞豈朕誠之未孚耶庶官徂於困惰耶今順考舊規進諫議凡朕躬過失時政尤違教令之闕遺人情之壅遏

並可條上毋或絨藏言近許者亦議優容文不工者許其
直致其未預次對官聽封奏以聞 十二月壬子詔有司
別錄轉對章疏一本留中 丙寅兵部郎中直昭文館知
兗州韓援上言伏覩近制舉行轉對在外文武羣臣未預
次對者各許上封奏事此蓋陛下克勤念慮考採芻蕘幅
員之間蹈詠斯極通者微有亢旱頓傷稼政天其或者得
無以太祖太宗二聖在天陛下春秋鼎盛威化民衆業萬國
未王萬一聖心忽生騎佚政暫加災音用微睿聰又曰以
陛下聰明神智必無騎佚之虞然願周倦燭幽勿使小人
乘間而進日謹一日雖休勿休居安念危在治防亂則天
下幸甚疏奏召援歸闕授史館修撰 四年正月中外官

上封事者甚衆詔樞丞直學士馮拯陳堯叟詳定利害以
聞五年正月丙寅權官幹銀臺司兼門下封駁事田錫
言其略曰語云十室之邑必有忠信況今皇家富有萬國
豈無人焉可以常參官自來五日一轉對中觀其所上之
言有遠大謀略經綸才業者可非次擢用若有其言而無
其實退之以禮亦合理體不然則臣恐國家未能早致太
平也七月侍御史知雜事田錫言伏覩內殿起居近罷
轉對封章迭迭今已踰年班行之中頗有竊議今郊禋俯
近慶賜將行可令中書檢尋轉對分其優劣奏其姓名或
降獎諭勅書或與轉改官秩所貴知陛下鑒其用意感陛下
賞其盡忠表明君好諫之心彰至仁特下之意景德三

年四月乙未復詔羣臣轉對其在外京朝官內殿崇班已上候得替先具民間利害實封於閤門上進方得朝見大聖七年三月癸未詔百官轉對極言時政闕失如舊儀在外實封以聞既而上謂輔臣曰所下詔宜增明黨之戒景德三年四月詔羣臣轉對不知何時罷今又復之羣牧判官龐籍因轉對言舊制不以國馬假臣下重武備也樞密院以帶甲馬二借內侍楊懷敏羣牧復奏乃賜一馬三日而復借之數日而復罷樞密掌機命反覆如此平時百官奏事上前不自批章止得送中書樞密院蓋防偏請以啟侍門近歲傳宣內降浸多於舊臣恐法度自此隳也住者王世融以公主子歐府吏法當贖金特停近任作坊

料物庫主吏官振之親盜官物輒自逃三司捕未獲遽能
追究今日聖斷乃異於前臣竊惑焉又祥符令檢吏稍嚴
胥吏相率空縣而去令坐罷免若是則姑息者獲安而清
強者沮矣羣牧判官司馬池因轉對言唐制門下省詔書
出有不使者得以封還今門下雖有封駁之名而詔書一
切自中書下非所以防過舉也 四月乙卯詔進奏院自
今諸道州府更有附遞到三班使臣幕職州縣官等實封
章奏並令收接進納 六月辛卯資政殿學士晏殊龍圖
閣侍制孔道輔馬季良看詳轉對章疏及登聞檢院所上封
事類次其可行者以聞右司諫范諷曰非上親覽決可否
則誰肯爲陛下極言者不踰月詔罷口詳 八年九月丙

長罷百官轉對言事者頗求大臣不悅也故復罷之此傳

政也 明道元年六月殿中侍御史張存上疏曰陛下嗣

統以來延納至言固有忠諫而夏之人共思謙直自前秋

恩詔罷百官轉對去冬黜降御史曹修古等昨又聞進士

林獻可因奏封事氣遠惡州人心惶惑中外莫測臣恐自

今忠直之言與理亂安危之機蔽而不達因歷引周昌朱

雲卒慶忌卒此事以廣帝意存冀州人也時存上疏不得其

林書王 皇祐三年六月辛丑天章閣侍制梅執請復百

官轉對上曰今朝延得夫軍民利害自公卿至於士庶皆

許指事而陳之縱涉繆妄亦未嘗加罪何用此紛紛也對次

見聖

入閣禮神宗附

景祐元年知制誥李淑嘗上時政十議入閣曰唐寶曆後
常以月朔御紫宸行入閣儀後雖五代倣擾猶或不廢弛
及聖朝太祖五行其禮多御崇元殿備殿中金吾諸仗設
侍制候對官崇元殿即今天安殿也乾德之後改御大明
殿即今集英殿也太宗三行其禮別定新儀就文德殿延
增設黃麾仗真宗亦三行之繪圖講習藏之禁閣茲禮之
廢向瑜三紀願因盛時修起之 四年三月戊戌翰林學
士丁度等上所撰國朝時令一卷詔以五月朔入閣因請
時令尋復問禮官朔日夏至入閣可否皆言五月朔朝會
合唐舊制雖是大祠比冬至圓丘禮成受賀在質明後無

雖然據易象月令及蔡邕有閉闕靜事不賀之說鄭康成
修樂緯春秋說夏至有前殿從入罷作樂後漢嘗行其義
今入閤諸令既屬嘉禮在朔與假本無所礙惟夏至則經
義有妨或自聖裁約用漢法詔以七月朔入閤請時令
寶元二年十二月帝嘗問參知政事宋庠以唐入閤儀戔
戔庠上奏曰夫入閤乃唐隻日於紫宸殿受常朝之儀也
唐有大內又有大明宮在大內之東北世謂之東南自高
宗以後天子多在大明宮宮之正南門曰丹鳳門內第一
殿曰含元殿大朝會則御之對北之第二殿曰宣政殿謂
之正衙朔望大冊拜則御之又對北第三殿曰紫宸殿謂
之上閤亦曰內衙隻日常朝則御之凡天子坐朝必須立

伏於正衙乘輿正御紫宸殿即喚仗自宣政殿兩門入是謂東西上閤門也以本朝宮殿視之宣德門唐丹鳳門也大慶殿唐含元殿也文德殿唐宣政殿也紫宸殿唐紫宸殿也今或欲求入閤本意施於儀典即須先立仗於文德之庭如天子止御紫宸殿即喚仗自東西閤門入如此則差與舊儀合但今之諸殿比於唐制南北不相對此爲殊耳故後來議論因此未明又按唐自中葉以還雙日及非時大臣奏事別開延英殿若今日御崇政廷和是也乃知唐制每遇坐朝日即爲入閤而叔世離亂五朝革創大昕之制更從易簡正衙立仗因而遂廢其後或有行者常人之所罕見乃復謂之盛禮甚不然也今相傳入閤圖者是官

司記常朝之制如閤門有儀制勅雜坐園之類何足爲希
閤之事哉况唐開元舊禮本無此制至開寶中諸儒增附
新禮始載月朔入閤之儀又以文德殿爲上閤差忒尤甚
蓋當時編撰之士討求未至太宗朝儒臣張洎亦有論奏
頗爲精洽或朝廷他日修復正衙立仗欲下兩制使豫加
商確以正舊儀然議者以謂今之殿閤與唐制不同難復
行之 熙寧三年五月壬子詔罷入閤儀先是翰林學士
承旨王珪等言謹按入閤者乃唐舊曰紫宸殿受常朝之
儀也唐紫宸與今同而唐宣政殿即今天德殿唐制天子
坐朝必立仗於正衙若止御紫宸殿與正衙仗自宣政殿
東西閤門入故謂之入閤五代以來廢正衙立仗之制今

閤門所載入閤儀者是唐常朝之儀非爲盛禮不可遵行
故罷之 四年正月辛亥翰林學士韓維等上文德殿朔
望視朝儀以入閤舊園所載增損裁定之詔可 六年九
月丙辰引進使眉州防禦使李端懿言朔望御文德殿祁
寒盛暑數頃清鐸紫宸之朝歲中罕御欲乞朔日御文德
望日御紫宸所書正衙內殿之朝儀並舉從之

耕藉田

明道元年十二月庚子詔以來年二月躬耕藉田先請皇
太后茶謝宗廟雉罷南郊之禮其恩賞並就禮畢施行
辛丑命直學士院王舉正李淑與禮官詳定藉田及皇太
后謁廟儀注遣官議皇太后宜準皇帝袞服減二章衣去

宗彝裳去元藻不佩釵龍花十六珠前後垂珠翠各十三
旒以衮衣爲名詔名其冠曰儀天又言皇太后乘玉輅服
降衣九龍花釵冠行禮服衮衣冠儀天冠皇太后乘
重翟車服鈿釵褙衣以緋羅爲之具蔽膝草帶佩綬履其
冠十二珠花釵太廟行禮並服褙衣詔可之勅有司制褙
衣及重翟以下六車始太后欲純被帝者之服參知政事
晏殊以同官皇后之服爲對失太后旨輔臣皆依違不決
薛奎獨爭曰太后必御此見祖宗若何而拜固執不可雖
終不納猶少殺其禮焉

殊事取神道碑正傳不取奎墓誌云太后爲改他服誤
也

甲辰以宰相呂夷簡爲恭謝太廟籍田大禮使張士遜爲
禮儀使張耆爲儀仗使楊崇勳爲副使使樞密副使夏竦
爲橋道頓遞使二年正月戊寅直集賢院李淑上耕籍
類事五卷王后儀範三卷二月甲辰皇太后宿齋無拱
殿乙巳服緯衣花釵冠乘玉輅以赴太廟改袞衣儀天
冠內侍贊道亨七室皇太妃亞獻皇后終獻受冊文德殿
帝奉賀還宿大安殿遂赴東郊丁未祀先農行籍田禮
禮儀使張士遜奏皇帝三推而止帝曰朕既躬耕不以古
禮爲式願推終畝士遜固請乃耕十二步而止御觀耕臺
三公以下咸推盡壘悉過五推之數禮畢御正陽門大赦
悉以親耕耒耜命大僕永祕藏之民年八十以上每遇長

寧乾元節許赴州縣燕設其父母年八十者與免一丁著
爲式權罷江淮發運司今年春漕以濟饑民御天安殿受
冊 辛亥上作籍田詩賜近臣詔籍田陪位舉人免將來
文解 三月甲午皇太后崩 五月丙子命宰臣張士遜
撰籍田及恭謝太廟記以翰林學士馮元爲編修官直史
館宋祁爲檢討官既而祁言皇太后謁廟事不可爲後世
法乃命止撰籍田記

校獵

慶歷五年八月真宗封禪之後不復校獵廢五坊之職驚
禽走犬悉放山林於是兵部員外郎直集賢院李東之上
言祖宗校獵之制所以順時令而訓戎事也陛下臨御以

來未嘗出請修此禮詔有司革儀選日命殿前馬步軍司
五出兵馬以從獵於近郊壬戌詔樞密院討詳先朝校
獵制度以聞十月庚午上御內東門賜從官酒三行奏
鈞容樂幸瓊林苑門賜從官食遂獵於楊村燕噓殿奏教
坊樂遣使以所獲獐兔馳薦太廟既而召父老臨問賜以
飲食茶絹及賜五坊軍士銀絹有差軍臣賈昌朝等言陛
下暫幸近郊順時畋獵取鮮殺以登廟祖所以昭孝德也
即高原以閱軍實所以講武事也問耆年而秩飲所以養
老也勞田夫而賜惠所以勸農也乘輿一出而四美皆具
伏望宣付史館從之

王安石誌孫抗墓云上大獵於城南衛士不及整而歸

以夜明日將復出有雉殞於殿中抗奏疏即是夜有詔
止獵按仁宗以五年十月獵於楊村六年十一月獵於
城南之東韓村七年三月即有詔罷獵而抗六年三月
已罷御史其諫當是五年冬然五年冬不歸以夜又不
在城南其在城南歸以夜乃六年冬事何郊奏議可考
恐安石誤也今不取

六年十一月辛丑獵於城南東韓村自玉津園去輦乘馬
分騎士數十爲左右翼節以旗鼓合圍場經十餘里部隊
相應上接轡中道親挾弓矢而屢獲禽是時道旁居民或
蓄狐兔雉驅入場中上因謂輔臣曰田獵所以訓武事
非專務獲也悉令縱之至棘店御帳殿召問父老子孫供

養之數土地種植所宜且歎其衣食麤糲而能享壽人加
勞慰還次近郊遣衛士更奏技駕前兩相當掉鞅挾槊以
決勝負又謂輔臣曰此亦可以觀士之才勇也元所過民
田在園內租稅一年 七年三月乙未上因李東之建議
再改近郊南城之域衛士不及整而歸以便有雉堞於殿
中誅者以爲不祥是月乙亥詔將復出誅者甚衆

有雉堞於殿中此據孫抗墓誌但年月差殊今參取附

見

御史何郅言古者天子具四時之田所以講威武而勤遠
略不從事遊戲而旣細娛載之策書具有典法前日代聞
法駕將獵近郊中外之人聽者頗惑良以去歲車駕已嘗

出畋羣臣抗言隨即停罷茲忽再舉未諭聖心伏以陛下
繼統以來勤遵法度不喜弋獵不數豫游恭儉之風足邁
前古而今之舉事固必有因豈陛下以宇內有年方隅無
事故於農隙以講武經欲爲都邑游觀之盛乎抑有獻議
者謂田獵之事具有禮文行之以時蓋舉墜典則嚮者諫
止之言不足顧乎若聖意果然如是先定則非愚臣之所
敢議也然其中事有切於利害者尚可得而言焉恭自真
宗皇帝即位之後遂下詔書罷放五坊鷹鷄獵事不講踰
四十年校聯之籍率非宿將士卒久不便習其事官司又
不素詳其儀舍卒而行必多曠闕竊聞去歲乘輿之出往
還甚勞一日之間遙馳百里而又兵衛不肅警蹕不嚴從

官不及侍行有司不暇供億迨於暮夜始入部門此豈非
士不及其事官不詳其儀而致然歟而況以騎乘而有疾
馳之勞在原野而弛蔽衛之備或御者差跌變生街廛愚
民迷誤犯及車塵臣子之罪將何賄焉雖則仁聖之資固
有神靈之衛然不可不備非常且西北二隅變故難測豈
無姦偽雜於稠人廣衆之中由是而言蓋可深慮傳曰十
金之子坐不垂堂矧於萬衆之尊乎曹誼曰射獵之娛與
安危之機孰急今不獵猛獸而獵田鼠不搏強寇而搏蓄
兇獸細娛而不圖大患非所以爲安也伏望陛下罷省出
遊無重過舉遵烈考詔書之旨念前良警戒之規優游養
神樂過從侍拱揖在御慮無乘危則宗廟生靈實有慶賴

臣職當言青理合開陳周逃策誅青少云補編修唐書官
王彥亦陳十事以諫是日有詔罷出獵